

جریدہ علمیہ

مشیت جلیلہ اسلامیہ ناک جریدہ رسمیہ سید

شوال ۱۳۳۷

عدد ۴۷

آیدہ بر نشر اولنور

بشخی سنہ

صوم رمضان وعید فطر حقنده بیاننامه

دارالحکمة الاسلامیه طرفندن صوم حقنده نشر ایدیلن بیاننامه در :

دین مبین محمدینک تضمن ایتدیکی فیوض مغنویه دن بهره دار اولمق ، احتوا ایلدیکی حقائق غلویه یقین حاصل ایله مک آنک احکام منیفه سنه هنرم خالص ایله تمسکه متوقفدر . جناب حقت اوامرینه انتساب ، نواهیسندن اجتناب ملکات ذهنی ، باشقه صورتله ادراکی ممکن اولیان ، بر طاقم فیوضه مظهر قیلار . مثلاً (ان الصلوة . .) بیوریلیورکه آیت کریمه نك منطوق جلیله صلات منکراتدن نهی ایدر . شو حاله نظراً عبادات مفروضه دن هربری کندیسنک مستیعاندن اولان فیوض مغنویه نك موقوف علیهی اولمش اولور ؛ یعنی جناب حق ذوق ایماندن متحصّل حالاتی عبادات مفروضه نك ارکانته تودیع ایتمش و او ارکانده تحقیق ایتدیر مشدر . عبادات مفروضه نك هربری خزانه فیوض الهیه نك مفتاحیدر ؛ انسان عبادات و طاعاته مواظب اولدقجه قلبی ، روحی ، عقلی ، فکری باشقه صورتله ادراکی مستحیل اولان بر طاقم حالانه مقارن اولور .

بو حاللارک نه دن عبارت اولدیغی ، ملکات انسانیه اوزرنده نه کبی تحولات حصوله کتیردیکنی آ کلامق فرائض دینه نك اقامه سنه وابسته در .

ایشته بو فرائضدن بری ده روح انسانیده پک عظیم ، پک لاهوتی بر انقلاب حصوله کتیرن و بو حیثیتله روحی سبحانی ، ربانی دویغولرله متحسس قیلان فریضه صومدر . قلبی نور ایمان ایله مشحون اولان بر مؤمن موحّدک ، قدر والاسی قرآن عظیم الشانده بیان و اعلا بیوریلان رمضان مبارکک شرف حلوانی غنیمت بیلهرک او شهر مبارکده طوتیلان اوروجک فیوض باهره سندن استفاده خصوصنده تجویز تساهل ایتسنه امکان ویريله من . صومک فضائی مادیه و مغنویه سنده اطرای کلام مؤمنلر ایچون معلومی اعلام قیلندندر . بر مسلم خالص الاعتقاد معذرت صحیحه شرعییه مستند اولمادقجه نقض صوم فضیحه سنی ارتکاب ایده من .

حال بویله ایکن یا ضعف ایماندن و یا خود فقدان مبالاندن دولای علناً نقض صوم ایدنلر یا لکنز بو فریضه دینه نك ترکیله قالمیوب منسوب اولدقاری هیئت اجتماعیه نك مقدساتنه تعرض فضیحه سنه ده جرأت ایتمش بولنه جقارندن بولنلرک زجر و تأدیبی جهته

کیتمک حکومتک وظائف متعنه سندن اولمغه برابر مؤمنین حقنده محض رحمت اولان
بو شهر غفرانک عبادات و طاعاته امرارایدیله جکی باجمله دینداشلیمیزک نجات دینیله لرندن
منتظر بولندیضک بیانه مبادرت اولتور .



دارالحکمة الاسلامیه طرقدن هید فطر حقنده نشر ایدیلن بیاننامه در :
ای مؤمنلر، جناب حقہ حدوثنالر اولسون، ملکمزى خرابه زاره دوندیره کرباد
مصائب شدتی غائب ایدر کبی اولدی. آفاقه مستولی اولان یلداى فلاکتک برکوشه سندن
حلول صبح و سعادتى مبشر ضیالر کورونمکه باشلادی. انشاءء بو آیدینلق او صبحک
نجر صادقدر .
بو سنه رمضان شریف امثال سابقه سنه نسبتاً برآزدها حضور قبله کچیرلدى .
هرکس کندى اعمالکک صلاحیتدار مراقبی اولدیغندن ذخر آخرت اولق اوزره نه
تدارک ایدم بیلدیکنی ینه کندی بیلیر. مائمنن نائب، رضای الهی نی تحصیله راغب اولانلر
بو توفیقه مظهریتلرندن دولایى خالق لم یزل حضرتلرینه شکر ایتلی، اولمایانلرده جناب
حقدن عفو و مغفرت، توفیق و هدایت ایسته یوب اولنر کبی اولمغه چالیشملى. بو شهر
مبارکی تعقیب ایدن دیگر مبارک بر آی واردرکه اوده اوچ کونی عید فطر اولان شهر
شوالدر. بو مبارک آیک ایلک کونی، قلبلری رمضان شریفده مداومت ایدیلن عبادات
و طاعاتک انوار فیضا فیضیه مشحون اولان اهل ایمانک بیرام نمازی قیلمق ایچون جوامع
شریفیه کیتملری، لاهوتی بر رقت، عظمت التهییه تأملدن متحصل حقیقی بر خشیتله
اوچ یوز اللى میلیون موحدک قبله کاه اقدس اولان کعبه معظمه یه توجه ایدرک کونشک
ارتقاع معیننده (اه اکبر، اه اکبر) دییه شان اقدس الوهیتی تکبیره باشلاملریله عرش
اعلایه یوکسه لن صدالری بارکاه احدیتده طنین انداز اولدجه امین اولیکیزکه خزان
رحمت آچیلیر، بوتون عالم اسلامک اوزرینه نور عفو و مغفرت صاچیلیر .

ای مؤمنلر؛ ایشته سزده قلوب صافیله کزک آن انتباهی اولان بو مبارک دقیقهده
عالملری یارادان خالق ذیشانن ایسته یه جکسکزی ایسته ییکیز. وطنک، ملتک سعادت
و سلامتیه دعا ایدیکیز. جامعدن چیقوب اولریکیزه عودت ایدرکن دین قرتداشلریکیزدن
بیلدک، بیلدک کیمه ملاقی اولورسه کز رقیق برقلب، بشوش بر چهره ایله بیراملری

تبریک، خاطر لرینی تطیب ایدیکیز. اولریکیزه کلوب عالمه کز افرادینه عین صورتله معامله ایتدکن صوکره آرتق کوزیکیزی، قلبکیزی باشقه یرله چویریکیز. ییقلمش اولری، سونمش اوجاقلری، کندیلری تطیب وتلطیف ایده جک باہلری، قرده شملری شو دقیقهده غریق خون شهادت اولدقلری حالده حضور الشیده تجلی جمال مظهر اولان شهیدلریمیزک ایتم واراملنی دوشونیکیز. اولرک قیریلش، خرد وخاش اولمش قلبلرینی تعمیر ایدیکیز. غیر ارادی باشلر آقیدان کوزلرینی دست شفقتکیزله سیدکیزه تأثرلرینه اشتراک کندیلرینه قدر ممکن ایشه او قدر معاونت ایدیکیز، حتی سزده اولرله برآز آغلاییکیز. ایشته سز دن الهک، پیغمبرک ایستدیکی بودره یوقسه خودکامانه حسله مغلوبتله بو کبی یچاره لرک آلامه بیکانه اولق، یکی اثوابلر کیوب نفیس شکرلر، لندیز یکلر یه مک، جاهلانه تبرجلر، خافلانه قفرجلرله شوراده بوراده وقت کچیرمک دکدر.

بو یله یاه جق اولورسه کز هم جناب حق، هم بی نوعکیزه، هم نفسکیزه قارش دیناً و اخلاقاً ایفاسیله مکلف اولدیفکیز اسلامی، انسانی وظیفه یی ایفا ایتش، الهک، پیغمبرک رضاسنی تحصیل ایله مش اولورسکیز.

جناب حق جمله امت محمدی سعادت وسلامته مظهر، نیجه نیجه اعیاد سیدنه ک ادراکیله مشرف، رضای الهیسنک تحصیلنی موجب خیرلی ایشلره موفق بیورسون آمین.



دارالحکمة الاسلامیه طشره تشکیلاتی

قره حصار صاحبد متشکل دارالحکمة الاسلامیه انجمنک موعظله حقنده اتخاذ ایله مش اولدینی مقرر ائدر :

۱ — دینیز دین فطریدر. انسانلر ایشه برخلوق اجتماعی ومدنی بالطبع اولدقلرندن دینیز اجتماعیات، سیاسیات، اقتصادیات تماماً جامعدر. اسلامیت «اتمال مؤمنون اخوة» نعی ایله بتون عالم اسلام آره سنده همومی برتساند وار تباط اعلان ایتشدرد. بالخاصه دین ایله ملت، دین ایله دولت توحید ایدلشدرد. اسلاملق مالئک وخلافی طاشیان دولتمزک